

# Nino D'Angelo, Senza Giacca E Cravatta

Quanta strada aggio fatto  
pe' sagli' sta fortuna  
mmiez' 'a gente distratta  
io nun ero nisciuno  
quanta notte scetato  
pe' scala' chillo muro  
mmiez' 'e figli scurdato  
aggi' appiso 'a paura.

Io aspettavo a te  
crescevo dint' 'o sanghe  
a' musica vullente  
te bruciavo a dinto  
e tenive a me  
comm'ultima speranza  
me sentive 'ncuollo  
dint' 'a tutte 'e panne.

Vita mia  
mo' volo 'nzieme a te  
e stu viaggio 'e canzone  
m'e' data d'ammore pe' vivere  
vita mia

mo' corro' 'nzieme a te  
a purta' tutte 'e suonne cchiu' belle  
a chi ancora add' esistere.

Quanta strada aggio fatto  
pe' sagli' sta fortuna  
senza giacca e cravatta  
accussi' so' venuto  
mmiez' 'e facce 'mportante  
c'hanno tuccato 'a luna  
guardo areto ogni tanto  
pe' capi' addo' so'ghiuto.

Io aspettavo a te  
crescevo dint' 'o sanghe  
a' musica vullente  
te bruciavo a dinto  
e tenive a me  
comm'ultima speranza  
me sentive 'ncuollo  
dint' 'a tutte 'e panne.

Vita mia  
mo' volo 'nzieme a te  
'ncopp' 'o tempo ca resta int' 'a faccia  
mettimece a ridere

vita mia  
mo' corro' 'nzieme a te  
e continua stu suonno acetato  
e io so' 'n'ommo cchiu' libero.

Vita mia  
mo' volo 'nzieme a te  
e stu viaggio 'e canzone  
m'e' data d'ammore pe' vivere.

Vita mia  
(io aspettavo te)  
mo' corro' 'nzieme a te  
(crescevo dint'o sanghe 'a musica vullente)  
a purta' tutte 'e suonne cchiu' belle  
te bruciavo a dinto e tenive a me  
a chi ancora add' esistere  
(comm'ultima speranza  
ma sentivo 'ncuollo dint' 'a tutte 'e panne)